

Sunday, May 10, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



MOTHER'S DAY

Vawiin hi “Nute Ni’ (Mothers’ Day) a ni a, May thla Pathianni vawi 2-naa hman thin Mothers’ Day hi Nute hriatrengna leh chawimawina hun atan neih thin a ni.

Mother’s Day hi Salvation Army India Eastern Territory-ah chuan chawhma inkhawmah hman a ni tlangpui thin a, Naupang leh thalaiten pangpar leh thilpek ,an nute hnenah an hlan thin a, Nu te pawimawhna lam hawi Pathian thuchah ngaihthlak anih bakah Nu chan tawhte pawhin an nute hriatrengna leh zahna entirna ni atan an hmang thin bawk.

SFX of Salvation Church

Sipai Tlangau kum 1936 July-August chhuak a, Darngbaka, YPSM, Thiltlang Corps thu ziak atanga a lan danin kum 1936 vel atang khan Mother’s Day hi Mizoramah hman tan a ni a, vawiin thlengin Mother’s day hi urhsun takin hman a la ni ta zel a ni.

Kum 1920 khan Salvation Army rorelna sang International Management Council chuan an Kohhran tan ‘Nute Ni’ chu High Day- ah a puang a, India ramah pawh kum 1920 atang hian ‘Nute Ni’ hi hman tan a ni. Kum 1914 May ni 8 khan USA President, Woodrow Wilson-a chuan Nute Ni hi rampuma hman a nih tur thu leh sawrkar building-ah te an ram flag tar turin thupek a chhuah a. Kum tin May thla Pathianni vawi 2-na chu khawvel ram dangte pawhin Nute Ni atan an hmang ve ta a ni.



MOTHER'S DAY : SOCIAL WELFARE MINISTER

Social Welfare & Tribal Affairs Minister Pi Lalrinpuii'n Nute Ni pualin Nu zawng zawng chibai a buk a, Nu te hmangaihna lantir turin mi tin a sawm a ni.

Minister hian a Social Media kaltingin Nu te ni pualin Nu zawng zawng chibai a buk a, Nu pawimawhna chu inchung khurah chauh anilo tih sawiin khawtlang leh ram rawngbawlina ah dinmun pawimawh tak luah tu ani a ti a, hruaitu ropui tak tak lo ni tawh ten Nute chu hmangaihna bul ani tih hriain an lo dah pawimawh thin a ti a, Nu te ni puala mahni Nu te theuh hmangaihna lantiran hmang turin mi tin a sawm a ni.

Pi Lalrinpuii chuan Nu nei tawh lo ten an Nute atanga hmangaihna an dawn thin chu luanchhuah tir nana hmang turin a chah a, hmun hrang hranga Nute chibai bukin an hlutzia hre thar theuh turin mitin a sawm a ni.



HEALTH MINISTER

Health Minister Pi Lalrinpuii chuan thalaite chu ram hma hun inngahna an ni tih a sawi.

Nimin khan Lunglei a C. Thuamluaia Muala 2 Mizo Battalion National Cadet Corps (NCC) bul tuma Mizorama NCC Fest & Parasailing Camp hmasa kalpui mek chu Pi Lalrinpuii hian a tlawh a. Pi Lalrinpuii chuan, Thalaite chu ram hma hun inngahna an nih angin khawvel thiamna, inrelbawlina leh ei leh bar dinmun danglam zel mila inher rem a, an thiamna leh theihna tuai hriam zel tur te, ram inpumkhatna vawng nung zel tur leh ram tana mi chhenfakawm nih tum zel turin a chah ani.

Pi Lalrinpuii chuan Viksit Bharat 2047 hlawhtlin nan Mizoram sawrkar chuan mipui sawrkar, sawrkar tha leh lang tlang kalpuiin State chhunga hmasawna rualkhai tak a awm theih nan theih tawp a chhuah tih sawiin, Lungleia Mizoram State University din tura ruahmanna leh hmun hrang hranga hmasawna hna thawh kal mek te, Mizorama NCC Fest & Parasailing Camp hmasa ber chhim lama buatsaih te chu a nem nghettu a ni ati bawk.

NCC Fest-ah hian sawrkar hotu pawimawh leh sipai hotu liante nena inkawmna hun (interactive session) te, NCC chhuak (alumni)-te nena inkawmna hun te buatsaih niin, stall hrang hrang –NCC thil leh hriat tur pawimawh pho chhuahna, Border Security Force, Assam Rifles leh Territorial Army Bn te ralthuam pho chhuahna leh District Legal Services Authority leh District Disaster Management Authority stall te buatsaih a ni.

